

卷三外體門

發熱

惡寒

附產後惡寒呻吟

汗病

瘡疾

斑症

附孕忌忌

風

黃病

水腫

破傷風

癰

痺症

痛風

附鬼箭箭

麻

瘰癧

~~情化~~

精證治彙補

江左書林印
卷三

證治彙補目錄

申江李用粹修之甫著

首卷

提綱門

中風

似中

傷風

附胃風

中寒

附外感陰毒
內傷真陰

暑症

附症夏濕
溫煎厥說

濕症

附風濕痺火
寒濕濕熱

燥症

火症

二卷

內因門

氣症

血症

痰症

飲症

傷食

附惡食不能食

傷酒

鬱症

附失精脫營

脾胃

勞倦

虛損

癆瘵

附傳尸癆鬱癆風癆

蟲症

三卷

外體門

發熱

惡寒

附產後惡寒呻吟

汗病

附盜汗心汗頭汗陰汗飲食汗

瘧疾

水腫

附肺脹身腫

班症

附妊婦發班發疹

黃病

破傷風

痛風

附鬼箭辨

癰風

附滇南傳歸秘方鶴掌風

麻木

瘰癧

四卷

上竅門

眩暈

附鬱骨頭重肝厥

頭痛

附眉棱痛腦痛

面病

附類題

頭風

附雷頭風大頭風

目疾

附偷針眼倒睫
奉毛雀目眼

耳病

附耳鳴耳痛聾耳耳
聾停耳耳痒耳

鼻病

附腦砂

口病

附唇病齧舌古病

齒病

附走馬疳齒蝕

咽喉

附伏氣疫氣

卷五

胸膈門

咳嗽

附肺痿胸痹肺
癰痰火肺脹

喘急

哮喘

吐血

附衄血咯血嘔血
痰涎血齒衄血肌衄

呃逆

嘔吐

附漏氣走哺食庫

痞滿

噎膈

附梅核氣

反胃

吞酸

附吐清水

嘈雜

附噯氣

惡心

消渴

癲狂

附中邪心風

癰症

驚悸怔忡

附卑慄失志

健忘

附驚恐

卷六

腹脇門

心病

附胃脘胸痛

腹痛

附腹中窄狹小腹

霍亂

積聚

脹滿

附虫蠱脹

脇痛

腰痛

附腎著

卷七

腰脇門

痿痺

附鶴膝風解休陰毒

疝氣

附木腎白液偏墜陰挺腎囊風

脚氣

附濕大脚心痛骨痛

厥症

附暴元急救法

卷八

下竅門

泄瀉

痢疾

便血

附腸風臟毒腸癖蠱毒血痔

溺血

便濁

附精濁

遺精

附夢遺鬼交

淋症

附小便類數

癰閉

附轉胞胞痺關格

遺溺

閉結附脾約陰結

脫肛

證治彙補卷之三

上海李惺菴先生著

四庫全書

醫文彙編

經方校彙

男 謨丕文全較

發熱章

大意

經曰陰虛則發熱此一端也其他除外感客邪之外有勞力勞色氣鬱火鬱傷食傷酒挾痰挾痰瘡毒虛煩皆能發熱宜熟辨之彙補

內因

陰虛而陽氣偏勝則發熱陽虛而下陷陰中亦發熱東垣

外候

五臟發熱各有其狀以手捫之輕舉則熱重按不熱是熱在皮毛血脉間也重按則熱輕舉不熱是熱在筋骨間也輕手重手俱不熱不輕不重乃熱者是熱在肌肉間也肺熱者熱在皮膚曰西尤甚酒漸喘咳心熱者熱在血脉熱中則甚心煩掌熱皮熱者熱在肌肉遇夜尤甚倦怠嗜卧肝熱者熱在筋肉寅卯則甚筋緩善怒腎熱者熱蒸在骨夜半尤甚骨蒸如蘇東垣

鬱火發熱

鬱火發熱左關弦數有力或緩弱有力肌肉如火筋骨如燒捫之咯手或晝夜不減或夜分即熱天明暫緩其熱必手足四肢更甚緣脾主四末熱分地中故也此症亦有因血虛而得者亦有胃虛過食生冷陰覆乎陽鬱遏陽氣于脾土之中者宜用火鬱發痰之法火鬱湯主之

繩準

陽鬱發熱

陽鬱發熱由勞役飢飽失宜其潮熱宛類瘧疾日出氣暄則熱天陰夜涼即緩六脉絃數宜補中益氣湯加地骨皮或逍遙散

彙補

骨蒸發熱

四肢蒸灼如火者必陰氣虛陽氣盛四肢者諸陽之本也兩陽相搏而陰氣虛少少水不能滅盛火而陽獨治獨治者不能生長也獨盛則止耳如炙如火者當肉爍也

素問

外候口乾體瘦食少懶倦遇夜尤甚平旦不覺宜秦艽鳖甲散主之

彙補

內傷發熱

內傷飢餓勞倦發熱六脉微弱或右手大三倍于左手按之無力懶言自汗渾身疲軟甚至肌膚壯熱目赤面紅謔語煩渴日夜不息身不惡寒為血虛發熱雖像白虎湯症而脉不長實宜當歸補血湯

繩準

輕者頭眩倦惰飲食無味惡寒發熱時作時止下午乃發手心熱而手背不熱所謂陽虛下陷發熱也輕者三發即止南人呼為勞發者即此又飲食失節勞役過度一切火

症悉屬內真寒而外假熱故肚腹頗喜手按口畏冷物乃形氣病氣俱不足也補中益氣湯大劑服之甚者加附子若因熱而汗下之立危景

陽虛發熱

有腎虛水冷火不歸經游行於外而發熱者自汗不任風寒煩渴引飲不能下咽面目俱赤舌生芒刺兩唇黑裂喉間如火兩足如烙痰涎壅盛喘息不寧脉浮洪大按之微弱宜用八味丸導龍入海所謂踞其窟宅而招之即益之火原以消陰翳也景

陰虛發熱

有勞心好色內傷真陰陰血既傷陽氣獨盛發熱不止向晚更甚或飲食如常頭脹時作脉洪數無力視其舌大而色赤者陰虛也當滋真陰宜地黃湯若久而盜汗遺精咳嗽毛枯宜三才丸補水以匹火是亦壯水之主以鎮陽光之義耳景

血虛發熱

一切吐衄便血產後崩漏血虛不能配陽陽亢發熱者治宜養血然亦有陽虛而陰走者不可徒事滋陰所以有脫血陰氣陽生陰長之法使無形生出有形來此千古傳心之法當見庸流端執四物以爭長此未明大易之義也景

痰症發熱

痰症發熱向夜大作天明漸止必兼胸膈不快惡心不食肢倦體瘦蓋痰滯中宮阻碍升降故

惡心痞滿血無所滋故夜分轉甚津液不化而體瘦氣血阻滯而倦怠均宜健脾化痰寬中清火則痰利而熱除矣如果實痰為患滾痰化痰二丸皆可選用景補

傷食發熱

傷食發熱必氣口緊盛或沉伏頭疼嘔惡噫氣吞酸胸口飽悶或脹或痛手不可按蒸蒸然熱明知其熱在內也消導則已指掌若兼左脉弦急又是傷食夾先宜解表然後消導如不愈後變口古乾燥心下硬痛等症當急攻之大柴胡湯枳朮丸景補

瘀血發熱

瘀血發熱必脉濡嗽水不嚥或痰涎嘔惡或兩足厥冷或胸脇小腹急結或吐紅鼻衄均宜桃仁承氣湯下之仁齋

瘡毒發熱

瘡毒發熱飲食如故日晡寒熱拘急倦怠脉數而急須問有無痛處以驗其瘡毒之候治先發散然後和血六要

作止分辨

夫外感寒熱齊作無間內傷寒熱間作不齊此待論其常耳東垣然外感初起似瘧狀發亦作止

不時此邪氣尚淺而未能混淆正氣故乍離乍合脉必至數有力仍當解散更有內傷勞倦似陽明白虎發熱晝夜不減此氣血兩虛故亦齊作無間脉必重按無力仍當溫補景補

晝夜熱辨

晝則發熱夜則安靜是陽氣偏勝于陽分也晝則安靜安則發熱是陽氣下陷于陰中也晝則發熱煩躁夜亦發熱煩躁是重陽無陰也東垣更有晝熱陽虛口中無味病責之胃宜甘溫補氣暮熱陰虛口中有味病責之腎宜甘寒滋陰補

三焦熱辨

熱在上焦咽乾口糜熱在中焦心煩口渴熱在下焦便閉溺赤門入

虛實熱辨

胸悶而惡心引飲便實者實熱也胸爽而少食自汗短氣者虛熱也門入

表裏熱辨

有表症而身熱者外感表熱也無表症而身熱者內傷裏熱也補

氣血熱辨

氣分虛熱者用甘溫以除熱蓋大熱在上大寒必伏于內用甘溫以助地氣使真氣旺而邪火自熄血分虛熱者用甘寒以勝熱蓋陰火浮於外必真陰竭于內用甘寒以補腎使真水充而虛焰潛滅也景

假熱有二

如大熱而甚寒之不寒是無水也熱去伏來晝見夜伏夜見晝止時節而動是無火也熱動復

止倏忽往來時作時止是無水也當助其腎又寒之不寒責腎之虛寒之不久責腎之少力有治熱以寒寒之而穀食不入此為氣不疎通壅而為是也珠有病熱脉數按之不鼓擊于指下者此陰盛格陽內真寒而外假熱陰症是陽也病熱急寒手足俱冷按之脉來鼓擊于指下有

力者此陽盛拒陰外假寒而內實熱陽症似陰也

傷寒書

彙補曰發熱真假幽顯難明苟不力辨則剝那生死能不畏哉如上所說入悉玄奧真化工筆也然究其參稽之力非洞曉易義不能道其隻字要之陰陽雖備于內經而變化莫詳乎義畫若是則太少剛柔陰陽動靜烏可不究乎哉既明太少剛柔陰陽動靜方知陽中有陰陰中有陽一切真假逆順五藏幽顯無難推測矣故醫易曰病治脉藥須識動中有靜聲色氣味當知柔裏藏剛知剛柔陰陽之運用而醫中之玄妙思過及半矣

脉法

浮大無力為虛熱沉實有力為實熱病熱有火者生心脉洪大是也無火者死心脉細沉是也脉盛汗出不解者死脉虛身熱不止者死身有熱脉濇脉靜者皆難治

治法

小熱之氣涼以和之大熱之氣寒以取之實熱之氣下以折之虛熱之氣溫以從之鬱熱之氣因其勢而發之假熱之氣求其屬而衰之

彙補

用藥

內傷勞役氣虛補中益氣湯肝經鬱火發熱逍遙散血虛發熱四物湯陰虛發熱六味丸陽虛發熱八味丸鬱火發熱者火鬱湯瘀血發熱者當歸復元湯傷食發熱者平胃散二陳小柴胡湯

選方

補中益氣湯

見虛中逍遙散見火症六味丸見前八味丸見前火鬱湯見火症四物湯見血症

秦艽蠶散

三才丸俱見癆瘵桃仁承氣湯見血症二陳湯滾痰丸平胃散化痰丸

俱見痰

枳朮丸

見傷食當歸補血湯黃芩三當歸一棗二枝

當歸復元湯

柴胡分八當歸川山甲花粉各一甘草錢紅花分各七桃仁半酒浸大黃三錢

加青皮分七

小柴胡湯

人參柴胡錢各一黃芩分五半夏分七甘草分七加姜棗

大柴胡湯

即小柴胡湯加大黃枳殼厚朴

白虎湯

石羔錢三知母花粉各錢半甘草錢一加竹葉粳米

惡寒章

大意

發熱惡寒者發于陽也無熱惡寒者發于陰也仲景夜寒者陰氣旺于陰分晝寒者陰氣上溢陽

中重陰者晝夜俱寒

垣東

內因

陽虛則外寒陰盛則內寒

內經

此第言陰陽正虛之病他如風寒暑濕痰火鬱癰瘡一切邪氣

拂鬱于表表中之陽氣不能發越者皆令惡寒

景補

外候

惡寒者雖居室室幃幙之中猛火近熱之處仍覺憎寒拘節甚則毫毛畢直鼓頷戰慄非若惡

風之候則凜凜畏懼無風則坦然自適也

景補

陽虛惡寒

陽虛惡寒以陽氣能溫分肉而充皮毛肥腠理而司闔闢

內經

內傷房慾火衰惡寒即熱之不熱

是無火也其症必兼踣卧足冷澀澀自汗兩尺沉細

景補

勞倦惡寒

勞倦惡寒脉必緩弱或氣口虛大無力兼見倦怠手心獨熱此勞倦過度脾胃不足衛陽下陷

宜補中益氣湯甚加桂附以行參芪之力

東垣

肺火惡寒

肺受火剋毛竅常疎不能固腠理而酒浙惡寒者必兼咳嗽咽乾治宜清金潤肺

景補

痰飲惡寒

痰飲惡寒由痰滯上焦榮衛阻滯抑遏清道不能固密腠理而惡寒肥人多有此症脉滑或沉

周身沉重胸滿食減肌肉如故

景補

傷酒惡寒

傷酒惡寒因飲酒太過熱鬱在內不得宣越而惡寒者症兼口渴昏眩

六要

傷食惡寒

傷食惡寒由飲食過度宿食內停或食冷物所致脉必沉滑惡心頭痛飽悶噯酸宜從消導食化而寒自己

六要

瘡毒惡寒

有背惡寒脉弦數寒熱兼作乃瘡毒之候審其有無痛處隨部分經用藥大抵惡寒之候除氣虛陽虛外者均宜發越以辛散之

六要

鬱火惡寒

有素病虛熱忽覺惡寒須臾戰慄如喪神守此火鬱清道抑遏陽氣于脾土不得外越故手足厥冷乃火極似水熱極反兼水化自覺其寒非真寒也外症口苦溺赤脉數宜升陽散火湯

河澗

內外惡寒辨

外感惡寒雖近烈火不除內傷惡寒稍就溫煖即止

東垣

脉法

表虛者浮濡火鬱者沉數陽衰者細遲痰飲者滑數大抵脉來無力而惡寒者虛症脉來有力

而惡寒者非外感即內鬱也以兼症參之景

治法

陽虛者益火之原表虛者固衛之失脾虛者補其中火鬱者治其內痰宜吐下食宜消導酒宜分越景

用藥

衛不和而惡寒者調中益氣湯脾胃弱補中益氣湯陽虛四君子加黃芪炮姜肉桂附子表虛黃芪建中湯濁痰滯膈先用姜茶探吐後用通聖散加減肺火甘桔湯加酒苓門冬山梔惡寒久不已服諸藥不效者亦宜解鬱大抵惡寒之症種種不同然世人以背惡寒屬太陽經此經氣鬱而不行或濁痰阻滯經絡藥中必加羌活以散太陽之邪

附產後惡寒

產後氣血兩虛惡寒者腹中不和脉虛大無力八珍湯若小腹脹痛是惡露心下飽悶是食滯乳中脹痛是蒸乳四者皆令惡寒宜詳辨之景

附呻吟

足陽明之脉是動則病振振寒善呻吟數欠欠者陽引而上陰引而下陰陽相引俗名呵欠景

選方

調中益氣湯 補中益氣湯 四君子湯 黃芪建中湯見勞倦 防風通聖散見火症

升陽散火湯即火鬱湯升麻葛根湯見傷暑

甘桔湯 治肺受火剋酒漸惡寒

甘草 桔梗 加酒岑 山梔 麥冬 五味 棗仁 水煎

黃芪葛根湯 治酒鬱內熱惡寒

黃芪一兩 葛根五錢 煎服大汗而愈 如痰濕惡寒宜苦參赤小豈各一錢為末蜜水調服探吐

吐後以蒼朮川芎南星黃芩糊丸白湯下冬月去岑加姜汁為丸

汗病章

大意

汗乃心液在內為血在外為汗腎復主液在內為液在外亦為汗故自汗必由心腎虛而得之

聖醫

內因

自汗者衛氣不固榮血滲泄醫鑑飲食飽甚汗出于胃驚而奪精汗出于心持重遠行汗出于腎

疾走恐懼汗出于肝搖體勞苦汗出于脾素問

外候

陽虛自汗必惡寒火熱自汗必躁熱傷濕自汗困倦身重天陰轉甚聲如癢出傷風自汗頭疼身熱咳嗽煩悶鼻塞流涕傷暑自汗身熱口渴煩躁面垢痰症自汗頭眩嘔逆胸滿吐痰心虛

自汗怔忡恍惚肝熱自汗倦怠少食補景口苦多眠腎虛自汗潮熱咳嗽脾虛

汗分冷熱

自汗有冷有熱陰虛陽湊者發熱自汗汗出必熱陽虛陰湊者厥冷自汗汗出必冷然有火邪亢極反兼水化而汗冷者又有相火出于腎中挾水化而汗冷者不可不審補景

汗多亡陽

氣虛則外寒雖見熱中蒸蒸為汗終傳大寒

經文

此因汗多亡陽重虛其表陽虛極矣故為寒中

凡病甚虛極之人多有頭面汗出淋漓口鼻皆冷手足青色氣促不止急欲溫補以追欲絕之陽并外用撲法亦有生者遲則不及矣補景

脈法

浮而濡者為汗在寸為自汗在尺為盜汗自汗之脈微而弱為陽衰盜汗之脈細而濡為陰弱補景

治法

陽虛自汗宜補肺然有扶陽而不愈者乃表虛汗無以外衛也當斂表以實之心虛自汗宜安神然有補心而不愈者乃血虛而汗無以退藏也當養血以調之汗出于脾濕氣盛也當燥之然有補脾勝濕而不愈者乃火氣蒸騰也當先清其熱汗出于腎陽加陰也當清之然有涼血養血而不愈者乃相火作汗也當滋其陰肝主疎泄而自汗者當調血清火胃經氣熱而自汗